



KAMERNI
TEATAR 55
SARAJEVO

Tel.: +387 33 550-475, 550-476, 209-041; Fax: +387 33 216-873
Maršala Tita 56/II; 71000 Sarajevo
Bosna i Hercegovina

Broj: 535

Datum: 11.07.2020.

Na osnovu Naredbe Kriznog štaba Ministarstva zdravstva Kantona Sarajevo, broj: 45-20/2020 od 04.7.2020. godine, donosim

KRIZNI PLAN PRIPRAVNOSTI I ODGOVORA NA POJAVU COVID-19

Kriznim planom Javne ustanove Kamerni teatar 55 (u daljem tekstu: Teatar) utvrđuju se higijensko-epidemiološke i preventivne mjere, koje se odnose na radnike Teatra i posjetioce, radi sprečavanja širenja zaraze uzrokovane koronavirusom (Covid-19).

I RADNICI TEATRA

- **Smanjenje fizičkog kontakta**

Radnici Teatra obavezni su da smanje broj direktnih kontakata, posebno na udaljenosti manjoj od 2 (dva) metra.

Glumci i tehnika posebno moraju voditi računa o bliskim kontaktima.

- **Radni sastanci**

Radnici Teatra obavezni su da intenzivnije koriste telefonsku i e-mail komunikaciju.

Kada se ocijeni potrebnim i opravdanim moguće je održavanje elektronskih sjednica i sastanaka.

Sastanci koji se moraju održavati fizičkim prisustvom održavaju se na način da se poštuju mjere fizičke distance od 2 (dva) metra uz obavezno nošenje zaštitnih maski.

U slučaju potrebe, tamo gdje god je moguće i opravdano, može se organizirati rad od kuće ili odrediti skraćeno radno vrijeme.

- **Praćenje kontakata**

Radnici Teatra obavezni su da vode računa o osobama sa kojima su u zadnji 48 sati bili na manjoj fizičkoj udaljenosti od 2 metra i vremenski duže od 15 minuta („bliski kontakt“) u slučaju da bude potrebno te podatke saopštiti zdravstvenim radnicima.

- **Samoizolacija bolesnih**

Svi radnici Teatra obavezni su ostati kod kuće u slučaju pojave simptoma bolesti uzrokovane zarazom (povišena temperatura, suhi kašalj, gubitak osjeta okusa i mirisa), te o tome obavijestiti nadležnu zdravstvenu ustanovu i poslodavca.

Na isti način, radnici Teatra, dužni su postupiti i u slučaju kontakta sa osobom kod koje je potvrđeno oboljenje od koronavirusa.

II MJERE HIGIJENE

- **Ulazak u Teatar**

Svi radnici i posjetioци Teatra obavezni su prilikom ulaska:

- nositi masku na licu na način da pokriju nos i usta,
- dezinfikovati obuću na dezobarijerama postavljenim na ulazima u Teatar,

- dezinfikovati ruke sredstvom za dezinfekciju postavljenim na ulazima u Teatar,
- održavati fizičku distancu od najmanje 2 metra.
Publika u dvoranu ulazi i izlazi jedan po jedan uz poštovanje distance i uz obavezno nošenje maske na licu. Nošenje maske na licu obavezno je i za vrijeme trajanja predstave.
Raspored sjedenja publike u dvorani napraviti u skladu sa preporučenim epidemiološkim mjerama.
Svi radnici Teatra angažirani na probama i predstavama (osim glumaca na sceni) obavezni su nositi masku na licu.

- **Higijena**

U prostorima Teatra svi radnici obavezni su pridržavati se higijenskih mjera izdatih od nadležnih institucija uz pranje ruku sapunom više puta u toku radnog vremena, te dezinfekciju ruku i radnih površina.

- **Provjetravanje, čišćenje i dezinfekcija prostora**

U skladu sa naredbama i preporukama nadležnih organa, Teatar je dužan pojačati provođenje opštih i posebnih mjera zaštite od zaraznih bolesti, sa posebnim akcentom na pojačanu dezinfekciju prostorija, radnih površina i predmeta.

Teatar je dužan obezbijediti dovoljnu količinu sredstava za dezinfekciju kao i neophodnu zaštitnu opremu.

Kontinuirano vršiti provjetravanje svih prostorija Teatra.

Najmanje jednom dnevno vršiti dezinfekciju podova, radnih površina, električnih prekidača, kvaka na vratima, rukohvata, telefona i svih drugih dodirnih površina.

III AŽURIRANJE KRIZNOG PLANA

Ovaj Krizni plan pripravnosti i mjera pripravnosti ažurirat će se shodno epidemiološkoj situaciji i preporukama i naredbama nadležnih organa.

IV UPRAVLJANJE KRIZNOM SITUACIJOM

Direktor Teatra je ovlaštena osoba za praćenje i nadzor nad upravljanjem kriznom situacijom i poduzimanje neophodnih aktivnosti u vezi sa sprečavanjem širenja zaraze u prostorima Teatra, donošenjem potrebnih radnih uputstava ili instrukcija.

V PRIDRŽAVANJE MJERA

Svako nepoštivanje mjera iz ovog Kriznog plana pripravnosti od strane uposlenika Teatra smatrat će se težom povredom radne obaveze.

Nepridržavanje mjera iz ovog Kriznog plana pripravnosti od strane posjetilaca Teatra je kršenje Zakona o zaštiti stanovništva od zaraznih bolesti Federacije BiH.

VI PRIMJENA PLANA PRIPRAVNOSTI

Ovaj Krizni plan pripravnosti stupa na snagu danom donošenja i odmah se primjenjuje.

Dostaviti:

- oglasna ploča
- web stranica Teatra
- a/a

